



## SIARAN MEDIA

---

### **NAFAS DI MAHA 2022 BERMULA ESOK HINGGA 14 OGOS** *Pengunjung Bertuah Berpeluang Menangi Bar Emas*

**PETALING JAYA; 3 Ogos 2022** – Pertubuhan Peladang Kebangsaan (NAFAS) pada tahun ini sekali lagi membuktikan komitmen memberi sokongan kepada Kementerian Pertanian dan Industri Makanan (MAFI) dengan menyertai Pameran Pertanian, Hortikultur dan Agro Pelancongan Malaysia (MAHA) 2022 yang akan berlangsung selama 11 hari bermula esok di Taman Ekspo Pertanian Malaysia Serdang (MAEPS), Serdang.

Menariknya tahun ini, NAFAS selaku Rakan Penaja MAHA 2022 akan menganjurkan beberapa aktiviti dan juga peraduan yang menjanjikan hadiah menarik untuk dibawa pulang oleh para pengunjung yang ke Pavilion NAFAS di Dewan A, Maeps.

Melalui peraduan Jawab dan Menang, para pengunjung yang berkunjung ke Pavilion NAFAS hanya perlu menjawab soalan mudah dan berpeluang menyertai cabutan bertuah. Istimewanya, hanya seorang pengunjung bertuah akan memenangi Bar Emas seberat 50 gram.

Selain bar emas, pengunjung juga berpeluang memenangi telefon bimbit, basikal lipat, tab, seterika stim, televisyen dan pelbagai lagi hadiah-hadiah yang lain.

NAFAS turut menawarkan jualan harga murah beberapa produk terpilih dari jenama Peladang dan juga jualan penghabisan stok minyak pelincir jenama NAFASLUBE.

NAFAS juga akan menampilkan tiga orang cef yang akan membuat demo masakan berasaskan produk jenama Peladang. Cef Naem, Cef Danish Harraz dan Cef Zam Akmal di Pentas Utama, Dewan A.

NAFAS juga akan terlibat sama di Laman Mekanisasi, Laman Padi dan Laman Agro-edutainment yang akan turut dimeriahkan dengan aktiviti serta mempamerkan produk-produk keluaran NAFAS.

Para pengunjung dan pemain industri dapat menggunakan peluang ini untuk melihat secara dekat dan mendapatkan maklumat lanjut terus melalui pempamer NAFAS di tempat-tempat tersebut.

Sebarang maklumat lanjut berhubung aktiviti dan program anjuran NAFAS sepanjang di MAHA 2022 boleh didapati dengan melayari platform media sosial NAFAS di Facebook, Instagram, Twitter dan Tiktok. – Nafashq.

---

**ENCIK SARIPOL BAHARIN KARIM  
PEMANGKU PENGURUS BESAR  
PERTUBUHAN PELADANG KEBANGSAAN**

Maklumat lanjut, hubungi:  
Farhana Hanim binti Mohd Mydin  
Bahagian Komunikasi Korporat NAFAS  
019-2608392.

